



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Regulæ Ca[n]cellariæ Apost.

urn:nbn:de:hbz:466:1-10793

Tertia difficultas est, An de relictis pro aliis operibus piis in genere detrahatur quarta, & hæc pendet a futuro eventu, si enim executores distribuerint legatū in fabricam, luminaria, & ornamenta Ecclesiæ, vel in concernentia diuinum cultum, tunc quarta non deducitur, d. c. fin. & c. ex parte, & Couar, in d. c. fin. nu. 7. quia distributio quam facit executor censetur facta ab ipso testatore, l. vnum ex familia, §. 1. vbi D. nus, Barr. & Doct. de leg. 1. secus si executores distribuerent legatum in vsum non priuilegiatum locorum piorum.

Quarta difficultas versatur circa legatum factum pro maritandis duabus puellis singulis annis, & pro vna puella consanguinea: & conclusum fuit, neque etiam hoc casu deberi quartam, quia aut sunt pauperes, & non debetur quarta, vt supra dictum est, cum legatum sit factum personis, & non locis, aut non sunt pauperes, & vltra præfatam rationem, militat alia ratio, quod tale legatum non dicitur pium, & ideo ex eo quarta non debetur, Tiraq. de priuil. piæ causæ in princ. Quare conclusum secundum legatorum differentias, & distinctiones supra deductas esse hæc causa pronuntiandum.

Seraphinus Olinarius Auditor.

De hac quarta episcopo debita vide Molinā de iusti. & iu. dispu. 215. hanc quartam episcopo non deberi de relictis con fraternitatibus laicorum, & esse magis, communem sententiam elicitur ex Doctoribus relatis per Parisium conf. 34. nu. 29. lib. 4. Menoch. de recuperan. posses. remed. ii. nu. 31. Anton. Gabr. lib. 6. com. opi. de causa pia conclus. 9. num. 13. late Abb. consil. 31. parte 2. pro contraria parte vero vide Barba. consil. 1. num. 4. & Alex. consil. 102. nu. 5. lib. 7. legatum factum pauperibus de quibus præsumatur testatorem sensisse Menoch. lib. 4. de præsump. 115. legatum factum simpliciter ecclesiæ cuius ecclesiæ causa relictum præsumatur. idem præsump. 114. eo. lib. 4. legatum ad pias causas quando factū præsumatur idem lib. 4. præsump. 115.

REGULÆ, ORDINATIONES, ET CONSTITUTIONES
Cancellariæ Apostolicæ Sanctijs. D. N. D. Pauli diuina prouiden-
tia Papæ V.

SANCTISSIMUS in Christo Pater, & D. N. D. Paulus diuina prouidentia Papa V. suorum prædecessorum vestigijs inhærendo, normam, & ordinem rebus gerendis dare volens, in crastinum assumptionis suæ, ad summum Apostolatus apicem, videlicet, die XVII. mensis Maij, Anno ab Incarnatione Domini Millesimo sexcentesimo quinto, Reseruaciones, Constitutiones, & Regulas infra scriptas fecit, quas, etiam ex tunc suo tempore duraturas, obseruari voluit, & quas, Nos Alexander Sancti Laurentii, in Damaso Diaconus Card. Montaltus, S. R. E. Vicecancellarius, die 21. mensis Maij dicti Anni in Cancellaria Apostolica publicari fecimus.

Mm 4 Refer.

Reseruationes generales, & speciales.

- 1 In primis fecit easdem reseruationes, qua in Constitutione fel. rec. Benedicti Papæ XII. qua incipit, Ad regimen, continentur, & illa innovauit, ac locum habere voluit, etiam si officiales in eadem constitutione expressi, Apostolicæ Sedis officiales ante obitum eorum esse desierint, quo ad beneficia, quæ tempore quo officiales erant, obtinebant. Declarans nihilominus beneficia, quæ dictæ Sedis officiales, qui ratione officiorum suorum huiusmodi, eiusdem Sedis Notarij erant etiam dimissis ipsis officijs, & quando cunque assequuti fuerint, sub huiusmodi reseruationibus comprehendendi. Ac reseruauit beneficia, quæ per constitutionem Ioannis annis XXI. qua incipit, Execrabilis, vacant, vel vacare contigerit. Quam constitutionem & reseruationem S. S. tam ad beneficia obtenta quam ad quæcunque de quibus ordinarij & alij collatores contra Concilij Tridentini decreta disposuerunt, & disponent in futurum extendit, & ampliauit, & ea etiam beneficia dispositioni suæ reseruare voluit, de quibus per dictos Ordinarios aut alios collatores contra eiusdem concilij decretorum formam dispositum fuerit.

Reseruatio Cathedralium Ecclesiarum, & Monasteriorum ac tempore vacationum, Episcopatum, vacaturorum beneficiorum.

- 2 Item reseruauit generaliter omnes Ecclesias Patriarchales Primariales, Archiepiscopales, Episcopales, nec non omnia Monasteria virorum, valorem annuum ducentorum florenorum auri communi æstimatione excedentia, nunc quomodocunque vacantia, & in posterum vacatura. Et voluit quod excessus huiusmodi in literis exprimat, Ac etiam reseruauit dignitates, & beneficia omnia, ad collationem, præsentationem, electionem, & quæcunque aliam dispositionem Patriarcharum, Primatum, Archiepiscoporum, & episcoporum, nec non Abbatum, & aliorum quorumcunque Collatorum, & Collatorum secularium, & regularium, quomodolibet, non tamen ad collationem cum alio, vel alijs, aut etiam ad alterius præsentationem, vel electionem, pertinentiam, quæ post illorum obitum, aut Ecclesiarum, seu monasteriorum, vel aliarum dignitatum suarum dimissionem, seu amissionem, vel priuationem, vsque ad promotionem successorum, ad easdem Ecclesias, aut Monasteria, vel dignitates, Apostolica auctoritate faciendam, & adeptam ab eisdem successoribus pacificam illorum possessionem, quomodocunque vacante & vacabunt in futurum.

Reseruatio Dignitatum, nec non suorum, & S. R. E. Cardinalium familiarum beneficiorum.

- 3 Item reseruauit generaliter dispositioni suæ omnes dignitates maiores, post Pontificales in Cathedralibus, etiam Metropolitanis, & Patriarchalibus, nec non valorem decem florenorum auri communi æstimatione excedent. principales in Collegiatis Ecclesijs, Reseruauit etiam Prioratus, Præposituras, Præpositus, ac alias dignitates conuentuales, & Præceptorias generales ordinum quorumcunque, sed non militiarum, Ac quæcunque beneficia, quæ sui etiam, dum Cardinalatus sungebatur honore, existerent, ac S. R. E. viuentium nunc,

nunc, & qui erunt suo tempore Cardinalium familiares, continui commensales obtinent, & in posterum obtinebunt eorum familiaritate durante, ac in quibus, seu ad quæ, ius eis competit, aut competierit, etiam si ab ipsa familiaritate per obitum Cardinalium eorundem, vel alias recesserint. Declarans dignitates, quæ in Cathedralibus, etiam Metropolitanis, post Pontificales non maiores existunt, et quæ ex Apost. Sedis Indulgentia, vel ordinaria auctoritate, aut consuetudine præscripta, vel alias quouis modo in collegiatis Ecclesiis principalem præeminentiam habere noscuntur, sub reservatione prædicta comprehendi debere.

Reservatio Beneficiorum Collectorum, & Subcollectorum.

- 4 Item reservavit generaliter omnia beneficia ecclesiastica quorumcunque Collectorum, & vnicorum in quacunque civitate, vel diocesi, qui suo tempore officia exercuerint, Subcollectorum fructuum, & proventuum Camera Apostolicæ debitorum illa videlicet beneficia duntaxat, quæ durante locum officio obtinebant, & in quibus, seu ad quæ ius, tunc eis competeat.

Reservatio beneficiorum Curialium, dum Curia transfertur.

- 5 Item reservavit omnia, et singula beneficia ecclesiastica, quorumcunque Curialium, quos dum curia Romana de loco ad locum transfertur, eam sequendo, decedere contigerit in quouis loco, quantumcunque etiam a dicta Curia remoto,

Reservatio beneficiorum Cubiculariorum, & cursorum.

- 6 Item reservavit generaliter idem D. N. Papa dispositioni suæ omnia beneficia Cubiculariorum, Cursorum suorum.

Reservatio beneficiorum Ecclesiarum S. Ioan. Lateranen. & S. Petri, ac B. Mariæ Maioris de Vrbe, & beneficiorum titularum Cardin. a Curia absentium.

- 7 Item reservavit dispositioni suæ generaliter quoscunque canonicatus, & præbendas, ac dignitates, personatus, & officia, in S. Ioannis Lateranen. & Principis Apostolorum, ac Beatæ Mariæ Maioris de Vrbe Ecclesiis; nec non ad collationem, provisionem, & præsentationem, seu quamvis aliam dispositionem S. R. E. Cardinalium a Rom. Cur. absentium, ratione suorum Episcopatum, Cardinalatus, ac ipsorum Cardinalium titularum, & Diaconiarum, spectantia, quamdiu absentia sua duraverit, canonicatus, & præbendas, dignitates, personatus, administrationes, & officia, ceteraque beneficia, ecclesiastica, cum cura, vel sine cura vacantia, & in antea vacatura, tam in eadem Vrbe, quam in Ecclesiis, Civitatibus, & Diocesisibus dictorum Episcopatum consistentia, ac decerni irritum, & c.

Reser-

Reseruatio Mensium Apostolicorum. & de Alternatiua pro Episcopis residentibus.

8 Item cupiens idem D. N. Papa pauperibus clericis, & alijs benemeritis personis, prouidere, omnia beneficia ecclesiastica cum cura, & sine cura, secularia, & quorumuis ordinum regularium, qualitercūque qualificata, & vbicunq; existētia, & singulis, Ianuarij, Februarij, Aprilis, Maij, Iulij, Augusti, Octobris, & Nouembris, mensibus, vsque ad suæ voluntatis beneplacitum extra Romanam Curiam, alias quam per resignationem, quocumque modo vacatura, ad collationē, prouisionem, præsentationem, electionem, & quamuis aliam dispositionem quorumcunque collatorum, & collatricum secularium, & quorumuis ordinum regularium (non tamen S. R. E. Cardinalium) aut aliorum sub concordatis inter Sedem Apostolicam, & quoscumque alios initis, & per eos, qui illa acceptare, & obseruare debuerant, acceptatis, & obseruatis, quæ lædere non intendit, comprehensorum quomodolibet pertinētia, dispositioni suę generaliter reseruaui. Volens in supplicationibus, seu concessionibus gratiarum, quæ de dictis beneficijs tunc vacantibus, etiam Motu proprio, sicut de mense, in quo vacauerint, dispositiue mentionem fieri: alioquin gratias nullas esse. Ac consuetudines, etiam immemorabiles, optandi maiores, & pinguiōres præbendas, nec non priuilegia, & indulta Apostolica circa ea, ac etiam disponendi de huiusmodi beneficijs, aut quæ illa sub huiusmodi reseruationibus nunquam comprehendantur, etiam cum quibusuis derogatorijs, & fortioribus, efficacioribus, & insolitis clausulis, nec non irritantibus, & alijs decretis, quibusuis personis, & collegijs cuiuscunque dignitatis, & status, gradus, ordinis, & conditionis existentibus quomodolibet concessa, aduersus reseruationem huiusmodi minime suffragari. Insuper Sanctitas sua ad gratificandum Patriarchis, Archiepiscopis, & Episcopis intenta, ipsis quamdiu apud Ecclesias, aut dioceses suas vere, ac personaliter resederint duntaxat, de omnibus, & quibuscumque beneficijs ecclesiasticis cum cura, & sine cura, secularibus, & regularibus, ad liberam ipsorum duntaxat (non autem aliorum cum eis dispositionem, seu præsentationem, vel electionem, nec et cum consilio, vel consensu, seu interuentu Capitulorum, vel aliorum, aut alias) pertinentibus, quæ in antea in mensibus Februarij, Aprilis, Iunii, Augusti, Octobris, & Decembris, extra curiam ipsam vacare contigerint. (Dummodo alias dispositioni Apostolicæ reseruata, vel affecta non fuerint) libere disponendi facultatem concessit; ac etiam voluit, vt, si ipsi in collatione, aut alia dispositione beneficiorum in alijs sex mensibus, videlicet, Ianuarij, Martij, Maij, Iunii, Septembris, & Nouembris, vacaturorum (quæ etiam dispositioni suæ, vt præfertur, reseruaui) seu et aliorum dispositioni suæ, & dictæ Sedis quomodolibet reseruatorum, vel affectorum, sese intromiserint, aut quo minus prouisiones, & gratiæ Sanctitatis suæ de illis debitum effectum consequantur, impedimentum quo quomodo præstiterint, vsu, & beneficio prædictæ facultatis, eo ipso privati existant; ac collationes, & alie dispositiones de beneficijs, illius prætextu deinceps faciendę, nullius sint roboris, vel momenti. Illi vero, qui gratiā alternatiuę prædictæ acceptare voluerint, acceptationem huiusmodi per patētes literas manu propria subsignatas, suoque sigillo munitas, & in sua quisque ciuitate, vel diocesi datas, declarare, & literas ipsas huic ad Datarium Sanctitatis suæ transmittere teneantur, quibus ab eo receptis, & recognitis, tunc demum, & non antea, vt incipiant gratia supradicta. Dacernētes sic in dictis omnibus per quoscunq; &c. iudicari debere, ac irritum, &c.

De

De literis in forma Rationi congruit expediendis.

- 9 Item voluit idem D.N. Papa, quod concessa per fel. re. Gregorium Papā xiiij. & Innoc. ix. prædecessores suos, & de eorum mandato, expediantur in forma Rationi congruit, sub die coronationis suæ, vt moris est, & idem quo ad concessa per piæ me. Greg. xiiij. Sixtum Quintum, & Urbanū vii. etiam prædecessores suos, ad sex menses duntaxat, ab ipso die Coronationis incipiendos, obseruari voluit.

Declaratio reseruatiōis Ecclesiarum & beneficiorum per prædecessores reseruatiōum.

- 10 Item declarauit, omnium, & singularum Ecclesiarum Cathedralium, & monasteriorum prouisiones, quas prædicti prædecessores sui, ordinationi, & dispositioni, eorum, nec non omnia, & singula beneficia ecclesiastica, quæ dicti prædecessores etiam prædictæ dispositioni cum interpositione decreti, reseruauerant. (quæ quidem Ecclesiæ, & Monasteria, nec non sic reseruata beneficia tempore obitus eorundem prædecessorum vacabant, aut Ecclesiæ ipsæ, vel Monasteria huiusmodi, si commendata, vel eis administratores deputati non fuissent, etiã tunc vacassent) remansisse, & remanere per huiusmodi reseruatiōem, & decretum affecta, nullumque de illis, præter Romanum Pontificem, ea vice se intromittere, vel disponere potuisse, siue posse quomodo. Decernens irritum, & inane, si secus super illis attentatum forsitan erat tunc, vel in posterum coningeret attentari.

Reualidatio literarum prædecessoris, gratia, & iustitia, infra annum concessarum.

- 11 Item prædictus D.N. omnes, & singulas ab ipsis Clem. VIII. Leone XI. prædecessoribus suis infra annum, ante diem obitus eorum concessas, gratia, vel iustitiæ literas, temporibus debitis eorum exequutoribus seu iudicibus non presentatas, omnino reualidauit, in statum pristinum, in quo videlicet ante fuerat, vel pro quibus erant obtentæ, quo hoc plenarie restituit, ac decreuit, per exequutores, seu iudices prædictos, vel ab eis subdelegandos, ad expeditionem negotiorum in eis contentorum procedi posse, & debere iuxta illarum formam.

Reuocatio vnionum.

- 12 Item rationalibus, suadentibus causis, ipse D.N. omnes vniones annexiones incorporationes, suppressiones, extinctiones, applicationes, & dismembrationes, etiam perpetuas, de quibusuis Cathedralibus, nec non alijs Ecclesijs, monasterijs, dignitatibus, personatibus, Officijs, & beneficijs ecclesiasticis, eorumue domibus, prædijs, & locis, per celsum vel decessum, aut quâuis alia dimissionem, vel amissionem, qualiacūq; fuerint, in vicem, vel alius ecclesijs, monasterijs, & mētis, etiã capitularibus, dignitatibus, personatibus, officijs, beneficijs, ac pijs, & alijs locis, vniuersitatibus, etiam studiorum generalium, & collegijs, etiam in fauorem S.R.E. Cardinalium, seu ecclesijs, monasterijs, & beneficijs per eos obuentis, quomodolibet,
- Apo-

Apostolica, vel alia quavis (non tamen Concilij Tridentini) auctoritate, nec non pro fundatione, seu donatione, augmento vel conseruatione collegiorum, & aliorum piorum, & religiosorum locorum, ad fidei Catholicae defensionem, & propagationem, bonorumque artium cultum institutorum, factas, quae suum non sunt sortita effectum; Ac quaecunque concessiones, & mandata super unionibus, annexionibus, incorporationibus, & aliis praemissis taliter faciendis, reuocauit, cassauit, & irritauit, nulliusque decreuit existere firmitatis, nec alicui quascunque clausulas, vel adiectiones, aut decreta, quae Sanctitas sua pro expressis haberi voluit, in quibusuis Apostolicis, etiam quae motu proprio, aut ex certa scientia, & consistorialiter processerunt, & emanauerunt literis, etiam si in eis decretum esset, illas ex tunc effectum sortitas esse, aut ius quassitum fore, quomodolibet contenta aduersus reuocationem, & irritationem huiusmodi, voluit aliquatenus suffragari.

Reuocatio facultatum quibusuis concessarum.

- 13 Item reuocauit quascunque facultates concessas quibusuis Patriarchis, Archiepiscopis, Episcopis, & aliis Praelatis, & personis, nec non Apostolicae Sedis Nunciis, ac fructuum, & prouentuum Camerae Apostolicae debitorum collectoribus, de dispensando cum quibusuis personis super matrimonio contracto, vel contrahendo in gradu prohibito, ac natalium, & etatis defectibus, & de incompatibilibus beneficiis ecclesiasticis in simul retinendis, nec non de Notariis publicis creandis, ac disponendo quomodolibet de quibusuis beneficiis ecclesiasticis, & aliis praemissis, officia ipsorum Nunciorum, & Collectorum directe non concernentes, etiam si in literis desuper confectis sint clausulae restitutoriae, & derogatoriae, & aliae efficaciores, quas pro expressis haberi voluit, quo ad omnia, in quibus facultates ipsae non sunt sortitae effectum, etiam si, Nunciis eisdem dicte Sedis Legatis de latere, competens sit concessa potestas. Decernens irritum, &c.

Reuocatio facultatum conferendi beneficia reseruata.

- 14 Item renocant quascunque facultates, & literas desuper confectas, per quas quicumque sui praedecessores Romani Pontifices quibusuis personis ordinariam collationem, seu aliam dispositionem beneficiorum ecclesiasticorum de iure, vel consuetudine habentibus, & quavis etiam Patriarchali, Archiepiscopali, Episcopali, vel alia dignitate, vel alio, non tamen Cardinalatus honore fungentibus, quavis consideratione, vel intuitu, etiam Motu proprio, & ex certa scientia, ac de Apostolica potestatis plenitudine concesserant, aut quamdiu viuerent, vel suis ecclesiis, seu monasteriis praesentent, aut ad aliud tempus, de beneficiis ecclesiasticis generaliter reseruatis, seu affectis, ad eorum collationem, prouisionem, praesentationem, electionem, & quamuis aliam dispositionem, communiter, vel diuinitim spectantibus, disponere libere, & licite valerent, aut etiam ad id per eosdem praedecessores Vicarij perpetui, vel ad tempus constituti forent.

De Dictionibus Numeralibus.

- 13 Item vt in Apostolicis literis committendi crimen falsi per amplius tollatur occasio, voluit, statuit, & ordinauit, quod dictiones numerales, quæ in dictis literis ante Nonas, Idus, & Kalend. immediate poni consueuerunt, per literas, & syllabas extense describantur, & ille ex prædictis literis, in quibus huiusmodi dictiones aliter scriptæ fuerint, ad Bullarium nullatenus mittantur.

De concurrentibus in Data.

- 16 Item voluit, quod de concurrentibus in data eiusdem diei super vacantibus, seu certo modo vacaturis beneficijs, illi, quibus gratiæ Motu proprio conceduntur, ceteris simili modo gratiâ non habentibus, alias graduati, non graduati, aut inter graduatos magis graduati, ac inter æqualiter graduatos prius graduati, nec non colorato titulo possessoribus non possessoribus ac inter personas alias in Curia præsentibus absentibus ab ea, ac inter præsentibus non beneficiatis beneficiatis, & similiter inter absentes, ceteris paribus, oriundus non oriundo, & dicecesanus non dicecesano. In reliquis vero singuli, qui prius Apostolicas desuper literas eorum executoribus præsentauerint, aliis, in ipsorum, de quibus agi cõtingit, beneficiorum assecutione præferantur.

De non tollendo ius quasitum.

- 17 Item, ne per varias, quæ pro commissionibus, seu mandatis, & declarationibus habendis in causis, plerumq; sunt suggestiones, iustitia postponatur, idem D. N. decreuit, & declarauit, suæ intentionis fore, quod deinceps per quamcunq; signaturam, seu concessionem, aut gratiam, vel literas Apostolicas, pro commissionibus seu mandatis, aut declarationibus huiusmodi, etiam si Motu proprio, & ex certa scientia, ac etiam ante motam litem, a Sanctitate sua emanauerint, vel de eius mandato, faciendas, nulli ius sibi quasitum quomodolibet tollatur.

Regula de vigniti.

- 18 Item voluit, quod si quis in infirmitate constitutus resignarit aliquod beneficium, siue simpliciter, siue ex causa permutationis, vel alias dimiserit, aut illius commendæ cesserit, seu ipsius beneficii vniõnis dissolutioni cõsenserit, etiam vigore supplicationis, dum esset sanus signatæ, & postea infra viginti dies a die per ipsum resignantem præstandi consensus, computandos, de ipsa infirmitate decesserint, & ipsum beneficium quauis auctoritate conferatur, per resignationem sic factam, collatio huiusmodi sit nulla, ipsumque beneficium nihilominus per obitum censetur vacare.

De idiomate.

- 19 Item voluit, quod si contingat ipsam, alicui personæ de parochiali Ecclesia vel quouis alio beneficio exercitium curæ animarum Parochianorum quomodo libet habente prouidere, nisi ipsa persona intelligat, & intelligibiliter loqui sciat

idionia loci, vbi Ecclesia, vel beneficium huiusmodi consistit, prouiso, seu mandatum, & gratia desuper, quo ad Parochialem Ecclesiam, vel beneficium huiusmodi, nullius sint roboris vel momenti.

De non impetrando beneficium per obitum viuentium.

- 20 Item, si quis supplicauerit sibi de beneficio quocumque, tanquam per obitum alicuius, licet tunc viuentis, vacante prouideri, & postea per obitum eius vacet, prouiso, & quavis dispositio, dicto supplicanti per obitum huiusmodi, deuo faciendæ, nullius sint roboris, vel momenti.

De vnionibus, & vnionum confirmatioue.

- 21 Item voluit, quod petentes beneficia ecclesiastica alijs vniri, teneantur exprimere verum annum valorem secundum communem estimationem, tam beneficij vnendi, quam illius, cui vniri petitur, alioquin vnio non valeat, & semper in vnionibus commissio fiat ad partes, vocatis quorum interest, & idem voluit obseruari in quibusuis suppressionibus, perpetuis concessionibus dist membrationibus, & applicationibus, etiam de quibuscunque fructibus, & bonis ecclesiasticis, ac etiam in confirmationibus vnionum singularumque dispositionum huiusmodi.

De Mendicantibus transferendis.

- 22 Item de Mendicantibus transferendis, qui ad alios Ordines transferint pro tempore, voluit Constitutionem sel. recor. Martini Papæ Quinti prædecessoris sui desuper factam, & in libro Cancellariæ Apostolicæ descriptam, quæ incipit. *Vñ* ambitiose cupiditatis, &c. firmiter obseruari.

De male promotis.

- 23 Item de Clericis extra tempora a iure statuta, siue ante ætatem legitimam, aut absque dimissorijs literis ad sacros ordines se promoueri facientibus pro tempore, etiam voluit Constitutionem piæ mem. Pii Secundi similiter prædecessoris sui desuper editam, & in dicto Cancellariæ Apostolicæ libro descriptam, quæ incipit *Cum* ex sacrorum ordinum, &c. pari modo obseruari.

De moneta.

- 24 Item declarauit idem D. N. quod libra Turonen. partorum, & florenus auri de Camera, pro æquali valore in concernentibus literas, & Cameram Apostolicam computari, & æstimari debeant.

De beneficijs vacaturis per promotionem ad Ecclesias, & monasteria.

- 25 Item prædictus D. N. Papa voluit, decreuit, & ordinauit, quod quæcumque concessionem, gratiæ, & mandata, etiam Motu proprio, & cū derogatione huius Constitutionis, quæ ab eo, pro quibusuis personis emanauerint, de prouidendo

eis de quibusvis beneficijs vacaturis per promotionem quorumcunque ad Ecclesiarum, & monasteriorum regimina, si huiusmodi concessionibus & mandata ad promotionis promovendorum ipsorum præcesserint, nec non quæcumque collationes, prouisiones, & dispositiones pro tempore faciendæ de præmissis, ac quibusvis alijs beneficijs ecclesiasticis secularibus, & regularibus, quæ per promovendos, vel assumendos ad quascunque Prælaturas inter illarum vocationis, & huiusmodi promotionis, vel assumptionis tempora simpliciter, vel ex causa permutationis vbiunque resignari, vel alias dimitti contigerit, cum inde secutis pro tempore, sint callæ, & irritæ, nulliusque roboris, vel momenti.

De non iudicando iuxta formam supplicationum, sed literarum expeditarum.

- 26 Item cum ante confectionem literarum gratia Apostolica sit informis, voluit, statuit, & ordinavit idem D. N. quod Iudices in Romana Curia, & extra eam pro tempore existentes, etiam si sint S. R. E. Cardinales, causarum Palatii Apostolici Auditores, vel quicumque alij, non iuxta supplicationum signatarum super quibusvis impetrationibus, (sive in dicta Curia duntaxat sint commissiones iustitiarum concernentes, per placet, vel per S. R. E. Vicecancellarium, iuxta facultatem super hoc sibi concessam signatam) sed iuxta literarum super eisdem impetrationibus, & concessionibus cõfectarum tenores, & formas iudicare debeant. Decernens irritum, &c. & si literæ ipsæ per præoccupationem, vel alias minus bene expeditæ reperiantur, ad illorum, quorum interest, instantiam ad Apostolicam Cancellariam reuerti poterunt, per eius Officiales, quibus huiusmodi tenores, & formas restringere conuenit, ad formas debitas reducendæ.

De regulis Cancellariæ producendis.

- 27 Item attendens D. N. Papa, quod super habendis de Cancellaria Apostolica regulis, & constitutionibus inibi descriptis, faciliter per eos, qui in Romana Curia indigerint, ad ipsam Cancellariam recursus dirigi potest, nec consultum foret, quod super earundem regularum, & Constitutionum, quæ iuxta varietatem occurrentium causarum, & negotiorum aliquoties immutari conuenit, probando tenorem, vel effectum testium, plerumque tenacem de super memoriam non habentium, depositionibus stari deberet, voluit, statuit, & ordinavit, quod deinceps quilibet ex Auditoribus causarum Palatii Apostolici, & alijs, (etiam si S. R. E. sint Cardinales) in ipsa Curia pro tempore deputatis, auctoritate Apostolica, Iudicibus, etiam in causis actu pendens, super huiusmodi tenore vel effectu probando duntaxat, stet, fidemque adhibeat schedula, seu scriptura desuper a duobus de maiori parte, quod danda sit, a tergo signata, & etiam a duobus alijs literarum Apostolicarum Abbreviatoribus in ipsa Cancellaria auscultatæ, & D. Vicecancellarii, seu dictam Cancellariam Regentis manu subscriptæ, ut moris est. Quicquid autem secus fieri contigerit, nullius sit roboris, vel momenti.

De

De subrogandis collitigantibus.

- 28 Item D. N. cupiens litium succidere anfractus, & nō noui collitigantibus ad uersarij dentur, prouidere, uoluit, statuit, & ordinauit, quod quoties deinceps ali quē super quouis ecclesiastico beneficio collitigantem, in iure, vel ad ius, si quod forsan eius aduersario in dicto beneficio competierit, fatogari conceiserit (dum modo prædictus collitigans in dicto beneficio intrusus non fuerit, nec super eo contra dictum aduersarium, postquam illud per triennium pacifice possederit, lis tunc mota fuerit) aliorum quorumlibet de præmisso iure siue tunc uacet, uel cū uacauerit, impetrationes, uel concessiones, etiam Motu proprio, intra mensem ante concessionem huiusmodi factæ, nullius sint roboris, uel momenti. Et nihilominus cupiens eorum fraudibus obuiare, qui uiuentium beneficia, illorum præsertim, quibus, aut propter senium, aut propter infirmitatem immineret uitæ periculum, impetrans, ut illis decedentibus, tanquam collitigantes in eorum iuribus facilius subrogentur, uoluit ut deinceps nullus in iure, uel ad ius in beneficio defuncti, quod illo uiuente in casibus præmissis, uel similibus impetrauerit, aliquo modo subrogetur, ac subrogatio, uel gratia si neutri, seu nouæ prouisionis, aut perinde ualere, taliter impetranti nullatenus suffragetur, quod etiam strictissime obseruari mandauit in impetrationibus beneficiorum per priuationem, & amotionem ex quibusuis criminibus, & excessibus forsan perpetratis, etiam si usque ad diffinitiuam sententiam, quæ tamen in rem non transiuerit iudicatam, processum foret.

De uerisimili notitia.

- 29 Item uoluit, & ordinauit, quod omnes gratiæ, quas de quibusuis beneficijs ecclesiasticis cum cura, uel sine cura, secularibus, uel regularibus, per obitum quarumcunque personarum uacantibus, in antea fecerit, nullius roboris, uel momenti sint, nisi post obitum, & ante datam gratiarum huiusmodi tantum tempus affluxerit, quod interim vacationes ipsæ de locis, in quibus personæ prædictæ decesserint, ad notitiam eisdem D. N. uerisimiliter potuerint peruenisse.

Non ualeant commissiones causarum, nisi literis expeditis.

- 30 Item quod omnes, & singula cōmissiones causarum, quas in antea fieri contigerit, obientæ, uel occasione concessionum duntaxat Apostolicarum de beneficijs ecclesiasticis gratiarum, super quibus literæ Apostolicæ confectæ nō fuerint, ac processus desuper habendi, nullius sint roboris, uel momenti.

De impetrantibus beneficia per obitum familiarium Cardinalium.

- 31 Item uoluit, quod impetrans beneficium uacans per obitum familiaris alicuius Cardinalis, teneatur exprimere nomen, & titulum ipsius Cardinalis, & si ille in curia fuerit, eius ad id accedat assensus, alias desuper gratia sit nulla, & idē seruari uoluit, si dicti familiares eorundem Cardinalium, familiares esse desierint, seu ad aliorum Cardinalium familiaritatem similem transierint, quo ad
bene-

beneficia, quae familiaritate priori durante obtinuerint, & in quibus, vel ad quae, priori ipsa familiaritate durante, ius eis competierit, ita quod quo ad illa, & Cardinales quorum prius familiares fuerint, suum habeant adhibere consensum, Declarans praesentem constitutionem locum non habere in illis beneficiis, quae familiares ipsi tempore obitus eorum in dicta Curia, vel extra eam obtinuerint, aut antea obtinuerint, & ratione officiorum per eos obtentorum dictae dispositioni generaliter reseruata, vel effecta fuisse apparerent. Nec non illos, quo ad effectum dictae Constitutionis, familiares eorundem Cardinalium censeat, qui ipsorum Cardinalium familiares continui commensales ad minus per quatuor menses, etiam ante Cardinalatum, fuisse probarentur. Decernens irritum &c.

Super eadem familiaritate.

- 32 Item idem D. N. ad euitandas lites, & contentiones, quae ex praecedenti sua Constitutione exoriri possent, vestigis praedecessorum suorum inheredo, voluit, statuit, & ordinauit, quod si beneficia, quae per obitum familiarium continuorum commensalium eorundem Cardinalium in futurum vacabunt (cessantibus Apostolicis reseruacionibus) ad alterius Cardinalis collationem, vel aliam dispositionem pertinere deberent, in dicta praecedenti Constitutione non comprehendantur, quo ad hoc, vt in provisionibus talium beneficiorum super expeditione litterarum illius Cardinalis, cuius familiaris defunctus ille extitit, consensus requiri debeat, sed beneficia huiusmodi ad collationem, seu quamuis aliam dispositionem Cardinalis Ordinarii collatoris, vt praefertur, libere spectare censeantur, & si apud Sedem Apostolicam beneficia huiusmodi, per obitum dictorum familiarium vacauerint, tunc in provisione talium beneficiorum super expeditione litterarum illius Cardinalis exigatur consensus, si in Romana Curia praesens fuerit, ad quem eorundem collatio, vel dispositio, vt praefertur, pertinere deberet.

Signatura per Fiat, praeferatur alteri per Concessum.

- 33 Item voluit idem D. N. quod concurrentibus eadem die super quocunque beneficio, per Fiat, & concessum, signaturis, ex eis, per Fiat, etiam vt petitur, habens, alteri per concessum, etiam Motu proprio habenti, praeferatur, etiam si in illa per Concessum praeuulgatae, & quantumlibet priuilegiatae essent clausulae.

De Annali possessore.

- 34 Item Sanctissimus D. N. vt improbi lites exquirentium motus reprimantur, voluit, statuit, & ordinauit, quod quicumque beneficium ecclesiasticum tunc per annum immediate praecedentem pacifice possessum, & quod certo modo vacare praetenditur, deinceps impetrauerit, nomen, gradum, & nobilitatem possessoris eiusdem, & quotannis illud ipse possederit, ac specificam, & determinatam, ex qua clare poterit constare, quod nullum ipsi possessori in dicto beneficio ius competat, causam in huiusmodi impetratione exprimere, infra sex menses, ipsum possessorem, ad iudicium euocari facere, causamque ex tunc desuper infra

Nn annum

annum vsque ad sententiam diffinitiuam inclusiue prosequi debeat, & teneatur. Alioquin impetratio prædicta, & quacunque inde sequuta nullius existant firmitatis, & idem impetrans de damnis, & interesse possessorem præfatum propterea contingentibus, ei satisfacere, & si possessorem ipsum iniuste, sine iure, & indebite molestasse reperiatur extiterit, quinquaginta florenos auri persolvere Cancellariæ Apostolicæ, sit adstrictus, nec alius quam præmissæ vocationis modus, etiã per literas si neutri, aut surrogationis, aut alias sibi, quo ad hoc, vt beneficium huiusmodi ea vice consequi, aut obtinere valeat, quomodolibet suffragetur, illudque nullatenus in antea litigiosum propterea censatur, quod etiam extendi voluit ad impetrantes beneficia ecclesiastica cuiuscunque qualitatis, per priuationem, & amotionem, vel alias propter commissa, excessus, & crimina vacantia, vel vacatura, & similiter ad impetrantes beneficia tanquam vacantia, per deuolutionem.

De Trienniali.

35 Item statuit, & ordinauit idem D.N. quod si quis, quacunque beneficia ecclesiastica qualiacumque sint, absque simoniaci ingressu, ex quouis titulo, Apostolica, vel ordinaria collatione, aut electione, & electionis huiusmodi confirmatione, seu præsentatione, & institutione illorum, ad quos beneficiorum huiusmodi collatio, prouisio, electio, & præsentatio, seu quæuis alia dispositio pertinet, per triennium pacifice possederit (dummodo in beneficijs huiusmodi, si dispositioni Apostolicæ ex reservatione generali in corpore iuris clausa reservata fuerint, se non intruserit) super eisdem beneficijs taliter possessis molestari nequeat, nec non impetrationes quaslibet de beneficijs, ipsis sic possessis factas, irritas, & inanes censeri debere decreuit, antiquas lites super illis motas penitus extinguendo.

De non appellando ante diffinitiuam sententiam.

36 Item idem D.N. ut finis litibus celerius imponatur, & litigantium parcatur sumptibus, & expensis, suorum prædecessorum constitutionibus, & statutis inherendo, statuit, & ordinauit, quod in causis pendentibus, & quas in posterum contigerit agitari, nulli ante diffinitiuam sententiam liceat appellare, nec appellatio, si fuerit emissa, debeat admitti, nisi ab interlocutoria, quæ vim habeat diffinitiuam, vel a grauamine minime concernente negotium principale, quod non possit per appellationem a diffinitiuam sententia reparari, nullaque causa appellationum committantur, nisi in commissione exprimat quod interlocutoria vim diffinitiuam habeat, vel grauamen sit tale, quod in appellatione a diffinitiuam non valeat reparari. Alioquin appellationes, & commissiones in posterum, & quicquid inde sequutum fuerit, nullius sit roboris, vel momenti, commissionibus appellationum iam iudicibus præsentatis, & exhibitis, in suo robore permanentis, in quibus, latis super eisdem sententijs, secundo, vel ulterius ab eis non liceat appellare, Appellantes vero, & appellationes, etiam ab interlocutorijs, & grauaminibus huiusmodi, suo, vel alterius nomine prosequentes, si succubuerint, ultra expensas, & damna, ad quæ resarcienda de iure condemnatus compellitur, viginti florenorum auri pœna mulctentur.

Non

Non stetur commissioni post conclusionem.

- 38 Item statuit, & ordinavit, quod in commissionibus de iustitia, seu mandatis etiam confessorialibus, per eum seu de eius mandato, vel auctoritate, in causis, in quibus conclusum existat, in posterum concedendis, etiam si in eis de conclusione huiusmodi implicate, vel explicitè mentio facta fuerit, nihil censeatur esse concessum, nisi per concessionem commissionis huiusmodi derogetur expresse.

De literis Religiosorum expediendis.

- 38 Item voluit, & ordinavit, quod si aliqui Religiosi petunt aliquod beneficiū ad nutum amovibile, cum clausula, quod exinde pro solo nutu Abbatis, vel Superioris amoveri non possint, litera, quo ad ipsam clausulam, nullatenus expediantur, nisi idem D.N. ponat in signatura, quod non possit amoveri, vel ad partem clausulam ipsam concedat.

De clausula ponenda in literis permutationum beneficiorum.

- 39 Item si committatur alicui beneficii resignationis receptio ponatur clausula, Attente quoque provideas, & c. & si ex causa permutationis resignationes fiant, ponatur clausula. Quod neuter permutantium ius acquirat, nisi quilibet ipsorum ius habuerit in beneficio per ipsam resignato.

De supplendis defectibus.

- 40 Voluit, quod si petatur suppleri defectus in genere, nullatenus litera desuper concedantur, nisi in petitione desuper huiusmodi defectus exprimantur, vel, per, fiat ut petitur, supplicatio signata fuerit.

De derogatione Iuris patronatus.

- 41 Item voluit, quod super quovis beneficio ecclesiastico de iure patronatus laicorum non expendantur litera, nisi ponatur expresse, quod tale beneficium tanto tempore vacavit, quod eius collatio ad Sedem Apostolicam legitime est devoluta, vel quia tempus patronis laicis ad presentandum a iure prefixum lapsum existat, aut ad id patronorum ipsorum accedat assensus; & si per ipsum iuri patronatus huiusmodi derogari contigerit, iuris patronatus huiusmodi mentio dispositiva, ac specificè, & determinate, non autem conditionaliter fiet; & si illud ad aliquem Regem, Ducem, Marchinem, vel alium Principem pertineat, & de hoc in literis provisionis, vel mandati de providendo de dicto beneficio similis mentio facta non fuerit, non censeatur quomodolibet derogatum.

De commendis.

42. Item voluit, quod nulli seculari de regulari, nec religioso de seculari, beneficiis, commenda detur, nisi in signatura, per clausulam ad partem super petitione commenda huiusmodi, de commenda ipsa mentio fiat.

De reformationibus.

43. Item voluit, statuit, & ordinavit, quod super quibuscunque reformationibus signatis super impetrationibus quorumcunque beneficiorum vacantium, vel certo modo vacaturorum, in quibus petitur, quod literae super prima data expediri possint si ex huiusmodi expeditione sub tali data cuiquam videatur posse fieri praedudicium, literae huiusmodi sub ipsa prima data nullatenus expediantur, nisi reformationes huiusmodi per fiat sub prima data signata fuerint.

De consensu in resignationibus, & pensionibus.

44. Item voluit, & ordinavit, quod super resignatione cuiuscunque beneficii ecclesiastici, seu cessione iuris in eo, quam in manibus suis, vel in Cancellaria Apostolica fieri contigerit, Apostolicae literae nullatenus expediantur, nisi resignans vel cedens, si praesens in Romana Curia fuerit, personaliter, alioquin per procuratorem suum ad hoc ab eo specialiter constitutum, expeditioni huiusmodi in eadem Cancellaria expresse consenserit, & iurauerit, ut moris est, & ut ipsum resignantem, seu cedentem pluries super vno, & eodem beneficio in fauorem diuersarum personarum successiue consentire contigerit, voluit Sanctitas sua, quod primus consensus tenere debeat, & alii posteriores consensus, ac literae illorum praetextu, etiam sub priori data, expedite pro tempore, nullius sint roboris, vel momenti, nec literae reservationis, vel assignationis, etiam Motu proprio, cuiusvis pensionis annuae super alicuius beneficii fructibus expediri possint, nisi de consensu illius, qui pensionem persolvere tunc habebit.

De ingressu religionis.

45. Item non dentur literae super beneficiis vacaturis per ingressum Religionis, nisi ille praecesserit datam de super petitionis.

Non valeat impetratio facta per modum in Cancellaria exprimentum.

46. Item voluit, quod si petatur aliquod beneficium vacans per modum in Cancellaria Apostolica exprimentum, talis impetratio non valeat, nec literae de super expediantur.

De executione facienda.

47. Item voluit, statuit, & ordinavit, quod quotiescumque per signaturam suam vel de eius mandato factam, super exequendis aliquibus, cum adfectione proprii nominis, vel dignitatis cuiusvis, iudex datur, literae de super expediantur cum expressione, quod idem iudex executionem faciat per se ipsum.

De

De dispensationibus in gradibus consanguinitatis.

- 48 Voluit, quod in literis dispensationum super aliquo gradu consanguinitatis, vel affinitatis, aut alias prohibito, ponatur clausula, Si mulier rapta non fuerit: Et si scienter, ponatur clausula addita in quaterno.

Super defectu natalium.

- 49 Voluit, quod in dispensationibus super defectu natalium, quod possint succedere in bonis temporalibus, ponatur clausula, Quod non praedudicetur, illis, ad quos successio bonorum ab intestato pertinere debeat.

Super dispensationibus.

- 50 Item, quod per quamcunque signaturam in quavis gratia nullatenus dispensatio veniat, nisi dicta gratia totaliter effectum huiusmodi dispensationis concernat, vel alias nihil conferat aut operetur.

Nulli sustragetur dispensatio, nisi literis confectis.

- 51 Item, cum concessionem super gratiis dispensationum quarumcunque quibusvis per ipsum Dominum Nostrum concessarum, vel concedendarum, per regulas Cancellariae Apostolicae sint prouide limitatae, licet aliquando in petitionibus super huiusmodi concessionibus obijatis multa sint petita, ne quis talium concessionum praetextu, id dispensatiue tenere, aut facere praesumat, ad quod concessio huiusmodi se non extendant, voluit idem D. N. quod nulla talis dispensatio cuiquam in iudicio, vel extra, sustragetur, antequam super ea literae Apostolicae sint confectae.

De clausulis ponendis in literis Indulgentiarum.

- 52 Item voluit, quod in literis Indulgentiarum ponatur, quod, si ecclesiae, vel cappellae, vel alias, aliqua Indulgentia fuerit per ipsum concessa, de qua inibi specialis mentio facta non sit, huiusmodi literae sint nullae.

De indulgentiis concessis ad instar.

- 53 Item voluit idem D. N. quod literae super Indulgentiis non expediantur ad instar, nisi specificentur.

De exprimendo valore Beneficiorum in impetrationibus.

- 54 Item voluit, quod in gratiis, quas quibusvis personis, de beneficiis vacantibus seu certo modo vacaturis, fieri contigerit, illorum, & aliorum quorumcunque beneficiorum, qua dicta personae tunc obtinuerint, seu de quibus ei fuerit prouisum vel concessum, aut mandatum promideri, verus annuus valor per marchas argenti, aut Sterlingorum, vel libras Turonen, parpiorum, seu florenos

Nn 3 auri,

auri, aut ducatos, vel uncias auri, seu aliam monetam secundum communem estimationem exprimantur, nisi persona prædicta beneficia, quæ tunc obtinuerint, aut in quibus, vel ad quæ ius eis competit, iuxta ipsarum oblationes, aut alias dimittere teneantur: alioquin gratiæ prædictæ sint nullæ, & idem feruetur in gratiis, quas a Sanctitate sua Motu proprio emanare contigerit, quò ad beneficia tamen de quibus per Sanctitatem suam pro tempore prouideretur, seu prouideri mandatur, aut alias disponitur, ac literis per quas pro tempore ad ecclesiarum Parochialium, & Cathedralium, ac Monasteriorum regimina promotis conceditur, ut Monasteria, & alia beneficia ecclesiastica secularia, & regularia per eos obtenta, & in quibus, & ad quæ ius eis competit, retinere possint.

De clausulis in beneficijs vacantibus ponendis.

- 55 Voluit, & ordinauit, quod quando prouidet, sed mandat prouidere alicui de beneficio ecclesiastico vacante, tunc dari poterunt clausulæ, si petantur, etiam si illud quouis modo, &c. seu per Cõstitutionem Execrabilis vacet, ac specialiter reseruatam, inter aliquos litigiosum sit, & eius collatio deuoluta fuerit, & si pro col litigante, vel subrogationem, aut si neutri, vel si nulli, &c. petente, si tunc his specificè exprimat. Nec detur aliqua generalis reseruatio dispositiue, nisi desuper in concessione specialis, & expressa, ac pure, & non sub conditione, mentio fiat, & tunc reliquæ reseruaciones ibi contentæ veniant. Si vero tempore expeditionis inde literarum, generalis reseruatio huiusmodi probari non possit, aut in nouis prouisionibus, seu pro colligantibus, si neutri, vel si nulli, &c. sit expressum, quod ab aliquibus asseritur, illum cuius beneficium conceditur, collectorem, vel vnicum subcollectorem, abbreviatorem, vel familiarem, Notarium, aut dictæ Sedis officialem fuisse, clausula ponatur, etiam si dictum beneficium ex eo, quod tali, collector, vel vnicus subcollector, abbreviator, vel familiaris, Notarius, aut dictæ Sedis officialis fuit, dispositioni Apostolicæ generaliter reseruatam existat, dum modo non sit in eo alicui specialiter ius quesitum: in reliquis vero nulla clausula detur, vnde reseruatio generalis elici possit, nisi desuper signatura per duplex fiat signata sit, aut reseruatio, vel alias specialiter habeatur.

De expressione qualitatam Beneficiorum in impetrationibus.

- 56 Item voluit, quod super beneficijs ecclesiasticis, de qualitatibus illorum, videlicet, an dignitates, personatus, vel officia sint, eisque imminet cura animarum & ad illa consueverint, qui per electionem assumi, mentio fiat, alias gratiæ desuper factæ sint nullæ, & si qualitates huiusmodi affirmatiue, vel conditionaliter nõ exprimat, negatiua expresse desuper fiat in beneficijs, quæ tales qualitates, vel ex eis aliquas consueverint habere.

De beneficijs vacantibus per contractum matrimonij.

- 57 Item, si reseruetur beneficium per contractum matrimonij, non dentur alij modi vacationum de futuro, nec conseatur beneficium reseruatam specialiter, vel affectum, nisi sequatur matrimonium, sed in beneficijs per promotionem,

ad ingressum Religionis, vel asecutionem, vacaturis ponatur clausula, etiam si non petatur. Cum beneficia huiusmodi praemisso, vel alias quouis modo, &c. praeterquam per obitum obtinentis, vacare contigerit, etiam si vacent.

De clausulis ponendis in literis Religiosorum.

- 58 Item voluit, quod si petatur aliquem in Religiosum recipi, & sibi de quouis beneficio ecclesiastico provideri per simplicem signaturam fiat, receptio huiusmodi duntaxat detur adiecto, si petens idoneus sit, aut aliud canonicum non obstitat, & exprimat, si certus numerus Regularium sit ibidem, cui etiam non derogetur nisi expresse concedatur; & si numerus iste non existat, ponatur. Dummodo receptionis locus huiusmodi nimium propterea non grauetur, possintque ex cutores provisionis huiusmodi, ad receptionem emissionis professionis, non expectato probationis anno, procedere.

De translatione Religiosorum.

- 59 Item si regularis petat sibi de beneficio ab aliquo Monasterio, vel alio regulari loco dependente, provideri, & appareat ex petitione huiusmodi, quod alterius Monasterij, vel loci religiosus sit, licet ibi translatio non petatur, nihilominus illa veniat.

De clausula, si est ita.

- 60 Item; quod in literis super beneficijs, per constitutionem Execrabilis, vacantibus, ponatur clausula, si est ita, similiter de quibuscunque narratis informationem facti requirentibus.

Petenti provideri de vacaturo dentur literae de vacanti.

- 61 Item petenti sibi provideri de vacaturo, dentur literae de vacanti, prout expedierit impetranti.

Revocatio decimarum, & aliarum impositionum.

- 62 Item revocavit quascunque decimarum, subsidiorum vigesima, & aliorum onerum impositiones, quae a praedictis Clemente VIII. Leone XI. praedecessoribus suis, ex quavis causa, etiam in subsidium expeditionis contra Turchas, & orthodoxae fidei hostes, emanarunt, & quascunque facultates super decimarum, vigesima, & onerum huiusmodi exactione, quibus suis fructuum, proventuum Camerae Apostolicae debitorum collectoribus, & Apostolicae Sedis Nunciis ab eisdem praedecessoribus concessas. Suspendit quoque ad suae Sanctitatis, & Sedis Apostolicae beneplacitum, quascunque plenarias Indulgentias, ab eisdem praedecessoribus ex quavis causa, etiam expeditionis huiusmodi, concessas, si quae per Nuncios, vel Quaesitores deferebantur. Nec non deputandi, & eligendi confessores, qui plenarie absoluant, & alia faciant earundem Indulgentiarum suspensarum effectum, reliquasque facultates ipsas Indulgentias, & facultates in aliqua sui parte sint sortitae effectum, ita ut illis, qui impien-

tes iniuncta eis in literis Indulgentiarum huiusmodi, iam consequuti sunt facultatem eligendi confessores, qui absoluant eos plenarie in mortis articulo, per huiusmodi suspensionem non prauidetur, quin facultate ipsa vti possint in futurum, decreuit quoque irritum, & inane, quicquid, facultatem reuocatarum eadem praetextu, in posteram conuigetur attentari.

Reuocatio facultatum percipiendi pretium officiorum.

- 63 Item reuocauit, cassauit, & annullauit, ac irritas declarauit, quascunque facultates percipiendi pretium Officiorum Romanae Curiae pro tempore vacantium, in toto, vel in parte, ac quasuis cōcessionēs, & collationēs, aliasque dispositiones, per fel. rec. Innocentium Papam Nonum praedecessorem suum de dictis officiis, etiam ex die collationum, concessionum, & dispositionum earundē in antea vacaturis, in fauorem quarumcunque personarū, ecclesiarum, monasteriorū, priorū locorum, collegiorum, seu eorū mensarum etiam perpetuo, etiam in vim contractus, & ex titulo oneroso, & sub alia quauis verborum forma, quam, & praemissorū tenores pro expressis haberi voluit, concessas, & factas quo ad officia, quae post obitum ipsius praedecessoris vacauerunt, & in posterum quomodolibet vacabunt.

Item, reuocauit, cassauit, & annullauit, ac irritas declarauit quascunque Infeudationes, Inuestituras, gratias, & concessionēs quoquomodo, etiam in emphyteulim ad tempus, seu in perpetuum, etiam Motu proprio, & de plenitudine potestatis, ac cum quibusuis derogatoriis derogatoriis, (extra tamen Consistorium, & sine S. R. E. Cardinalium consilio, & consensu) a die Constitutionis fel. rec. Pii Papae Quinti praedecessoris sui super prohibitiones alienandi, & infeudandi, Ciuitates, & loca S. R. E. sed data Romae apud Sanctum Petrum, Anno Incarnationis Dominice, millesimo, quingentesimo, sexagesimo sexto, Quarto kal. Aprilis, Pontificatus sui Anno secundo, vsque in praesentem diē, per quoscunque Romanos Pontifices suos praedecessores, aut mandato, vel auctoritate eorum, quomodocunque, ac qualitercunque, & quouiscolorē factas, & concessas, de Ciuitatibus, Terris, Oppidis, Castris, Arcibus, & locis S. R. E. & Sanctae Sedi Apostolicae tam mediate, quam immediate subiectis, tunc videlicet de tempore dictarum Infeudationum, Inuestiturarum, gratiarum, & Concessionum, nondum deuolutis; Nec non quascunque prorogationes, & extensiones quarumcunque infeudationum, Inuestiturarum, gratiarum, concessionum de dictis Ciuitatibus, Terris, Oppidis, Castris, Arcibus, & locis, tunc videlicet, de tempore, dictarum prorogationum, & extensionum, nondum finitarum, quibusuis personis cuiuscunque gradus, status, & conditionis, ac praecminentiae, etiam si Imperiali, Regali, Ducali, aut alia quauis praefuigeant dignitate, etiam in vim contractus, & ex quocunque titulo etiam oneroso, et per quascunque, tam sub plumbo, quam in forma Breuis sub Annulo Piscatoris, aut etiam quomodocunque, & qualitercunque, expeditas literas, ac sub quauis verborum forma, quam, & praemissorum omnium tenores Sanctitas sua pro expressis haberi voluit latissime extenden.

Quod.

Quod fructus in tertia parte augeri possint vigore clausulae.

64 Item, cum nonnulli in impetrationibus beneficiorum ecclesiasticorum pro tēpore vacantium, & certo modo vacaturorum, alicando illorum fructus, & certum per eos expressum annum valorem non excedere, & nonnunquam obtineant a Sanctitate sua, ut huiusmodi valorem annum augere possint, ut verius possit in confectione literarum super huiusmodi impetrationibus summa, ac valor ipse annuus exprimi, aliter desuper non specificato, ne de virtute huiusmodi concessionis in posterum hācitari contingat, declaravit prae textu concessionis huiusmodi, valorem ipsum vsque ad tertiam partem valoris expressi, & in prima, quae desuper fiat literarum expeditione, dumtaxat, augeri posse, & eas, quas literis iam expeditis cum expressione valoris specificati, aut non integro augmento predicto, de novo desuper expediti contigerit, literas cum aliquo augmento valoris huiusmodi, nullius esse roboris, vel momenti, etiam si Motu proprio beneficiales gratia, dispositiones quaecumque a Sanctitate sua emanarent.

De inforDESCENTIBUS.

65 Item, ne personis, pro quibus literae sua Sanctitatis emanabunt, ob generalē absolutionem a censuris ecclesiasticis, quibus ligati forent, ad eorum effectum indifferenter concedi, & in literis Apostolicis apponi solita, praeterur occasio cēsuras ipsas vilipendendi, & inforDESCENDI in illis, statuit, & ordinavit huiusmodi absolutionem, & clausulam in literis, quas in futurum cum illa concedi contingeret, non suffragari non parentibus rei iudicatae, incendiariis, violatoribus Ecclesiarum, falsificatoribus, & falsificari procurantibus literas, & supplicationes Apostolicas, & illis utentibus, receptoribus, & fautoribus eorum, ac res veritas ad infideles deferentibus, violatoribus Ecclesiasticae libertatis, via facti, ausu temerario, Apostolicis mandatis non obtemperantibus, & Nuncios, vel executores, Apostolicae Sedis, & eius Officialium, eis commissa exequentes, impediētes, qui propter praemissa, vel aliquod eorum excommunicati a iure, vel ab homine, per quatuor menses, scienter excommunicationis sententiam huiusmodi sustinuerint, & generaliter quibuscumque aliis, qui censuris aliquibus, etiam alias quam ut praefertur, quomodolibet ligati, in illis per annum continuū inforDuerint.

Officiales nibū exigant vltra debitum.

66 Item, idem Dominus Noster exactionibus quas Sanctitas sua, non sine displicentia, plerumque fieri intellexit per officiales Romanae Curiae, qui constituti sibi emolumentis pro exercitio Officiorum, quae obtinet, non contenti, vltra, a prosequentibus negotiorum quorundam expeditionem in eadem, exigere non veretur, obuiare volens, districte praecipiendo in libuit omnibus, & singulis, quavis officia in eadem Curia obtinentibus, ne de cetero quicquam, praeter Officiorū, quae obtinent, quouis colore, etiam celerioris expeditionis, vltra emolumenta huiusmodi, exigere, seu ad hunc effectum expeditionem eorum, quae eis incumbunt, malitiose differre, sub excommunicationis, & praeter illam, suspensionis
a per-

a perceptione emolumentorum huiusmodi pro prima ad semestre, & pro secunda ad annum, & pro tertia vicibus quibus sic excellerint, priuationis Officiorum, per eos obtentorum, in quibus sic excellerint, pœnis. Ac voluit, quod Sanctæ Romanæ Ecclesiæ Vicecancellarius, & Camerarius, excedentes ipsos, respectiue prout eis subsunt, per subtractionem emolumentorum eorundem, ac alias, vt præmittitur, compellant ab huiusmodi illicitis exactiõibus abstinere, & contra eos, per prædictas pœnas, & alias, prout melius expedire viderint, procedant.

Quod Cardinales non comprehendantur sub Regulis faciendis.

- 67 Item, cum Sanctæ Romanæ Ecclesiæ Cardinales ipsi Sanctissimo Domino Nostro assistant, ac propterea debeant specialibus prerogatiuis, & priuilegijs gaudere, idem D. Noster statuit, & ordinauit, decreuit, & declarauit, quod in quibuscumque Constitutionibus, & Regulis per Sanctitatem suam impostis, post hanc primam editionem, & suarum Constitutionum, & regularum publicationem, faciendis, non includantur ipsi Cardinales, nisi illæ eorundem Cardinalium fauorem concernant, vel ipsæ Constitutiones edendæ, de eorundem Cardinalium, vel maioris partis eorum consilio, editæ fuerint.

De potestate Reuerendissimi Domini Vice cancellarii, & Cancellariam Regentis.

- 68 Primo, quod possit committere absoluõnem illorum, qui ignorantèr in supplicationibus, vel in literis Apostolicis, aliquid scriberent, corrigerent, vel delerent.

Item, quod possit corrigere nomina, & cognomina personarum, non tamen eorum, quibus gratiæ, & concessiones fiunt, ac beneficiorum, dum tamen de corpore constet.

Item, quod possit omnes causas beneficiales, etiam non deuolutas, committere in Curia, cum potestate citandi ad partes.

Item, quod processus Apostolica auctoritate decretos aggravare possit cum inuocatione brachii secularis, & sententias executioni demandari facere contra intrusos, & intrudendos, per literas Apostolicas desuper conficiendas, & non alias.

Item, quod possit signare supplicationes, manibus duorum Referendariorum, signatas, de beneficijs ecclesiasticis, secularibus, & regularibus, dispositioni Apostolicæ generaliter non reseruatæ, quorum cuiuslibet valor centum florenorum aut de Camera, vel totidem libratum Turonen. paruorum seu totidem in alia moneta secundum communem æstimationem, valore annuum non excedat.

Item, quod possit signare supplicationes etiam duorum Referendariorum manibus signatas, de nouis promotionibus, si neutri, & subrogationibus pro colligantibus, in quibus non detur clausula generalem reseruationem importans.

Item, quod possit, ad ordines suscipiendos arctatis, protogare terminos de dictis suscipiendis ordinibus, & que ad proxima tunc a iure statuta tempora, in quibus sic arctati, successiue ad ipsos ordines promoveantur,

Placet publicentur, & describantur.

Lectæ,

Super regulis Cancellariae ultraglossa scriptis Rebuff. Comensius & Mandosius.

Lectæ, & publicatæ fuerunt in prædictâ Regula, Ordinationes, & Constitutiones, Romæ in Cancellaria Apostolica, Anno Incarnationis Dominicæ, Millesimo sexcentesimo quinto, die vigesima prima mensis Maii Pontificatus prælibati Sanctissimi D.N. Anno Primo.

Claudius Ciccolinus Apostolicæ Cancellariæ Custos

RESIDENTIA.

PRÆTER Summissas sciendum est, quod contra obligatos residere, & non residentes attenditur dispositio Sacrorum Canonum, ut in tit. de cleri. non residen. & Conc. Trid. sess. 6. de refor. c. 1. & 2. & sess. 23. de refor. c. 1. ac sess. 24. de refor. generali c. 12. Pius V. super residentia faciendâ in parochialibus per obtinentes eas, ac canonicatus, aut dignitates, seu aliud beneficium constitutionem edidit Rom. publicatam die 15. Iunii 1568. fol. 1021. in Bull. incip.

Cupientes pro nostri pastoralis officij munere Christi fidelium animarum saluti, quantum cum Deo possumus salubriter consulere, & parochialibus ecclesiis ab earum Parochis, prout tenentur, in diuinis debite, & laudabiliter deseruiri, inhærendo etiam decretis Sacri Concilij Tridentini, Motu proprio, & ex meta deliberatione certaque scientia nostra, ac de Apostolicæ potestatis plenitudine hac nostra perpetue valitura constitutione, omnes, & singulos Rectores parochialium Ecclesiarum cuiuscunque dignitatis, status, gradus, ordinis, conditionis, & præminentia fuerint, in quibuscunque Regnis, Prouincijs, Ciuitatibus, Diocæsiibus, ac alijs Christiani Orbis partibus consistentes, qui parochialem Ecclesiam, ac canonicatum, aut dignitatem, etiâ post Pontificalem maiorem, seu collegiatam Ecclesiis, seu aliud quodcunque beneficium ecclesiasticum, etiam quæramentumque dispensationum a Romanis Pontificibus prædecessoribus nostris seu principalem in quibusuis Patriarchalibus, aut Metropolitanis, vel Cathedralibus, seu etiam a nobis hæcenus quomodolibet impetratarum, ac literarum Apostolicarum desuper expeditarum titule, quas omnes hac præsentis constitutione abolemus, & reuocamus, seu quocunque alio prætextu obtinent, cum prima, & præcipua debeat esse cura animarum, eos ad residendum in Ecclesia Parochiali, & ibi in diuinis deseruendum, debitoque eorum officio fungendum omnino teneri, & obligatos esse, ac ad id per Episcopos, & aliorum locorum ordinarios etiâ tanquam Apostolicæ Sedis delegatos, sub sententijs, & censuris ecclesiasticis, ac pecuniarijs arbitrio eorum declarandis, ac etiam priuationis dictarum Parochialium, & aliorum quorumcunque beneficiorum pœnis, quacunque appellatione remota, cogi, & compelli posse, & debere auctoritate Apostolica tenore præsentium statuimus, præcipimus, & ordinamus. Eos tamen si residentes in Ecclesijs parochialibus omnes, & singulos fructus, redditus, & proventus, etiam canonicatus sui vel dignitatis, seu alterius cuiuscunque beneficii, exceptis dumtaxat quotidianis distributionibus, & alijs quæ ex iusta causa absentes percipere non solent lucrari volumus. Sicque per quoscunque iudices, &c. Non obstantibus, &c.

Hæc constitutio loquitur de habentibus parochialem, & canonicatum ex dispensatione, aliter tamen esset, si dignitati vel præbendæ parochialis sit annexa. c. extirpandæ §. qui vero. de præb. & c. super eo eod. tit. lib. 6. & quid si tunc animarum cura incumbere voluerit vide Conc. Trid. sess. 22. de refor. cap. 3. vers. quod si alicui.

Quod.